


欽定八旗通志

人物志

卷二百三十六

二百三十七



欽定八旗通志卷二百三十六

人物志一百十六

循吏傳一 漢軍鑲黃旗 漢軍正黃旗

謹按循吏列傳始於史記然名臣如鄭之國僑摺
柱危疆扶持辱主內修政事外禦強鄰僅以循吏
目之無乃隘乎前後漢書所載州郡之長吏為多
斯名實相符矣惟是是非歷久而論定恩讐未盡
好惡多未德政去思諸碑未足依據近

特旨仆毀仰見

大公至墓誌墓表神道碑蔡邕稱平生所作惟郭有道
碑無愧色則其他有愧可知韓愈號剛正不阿劉
父乃譏其諛墓得金則不如愈者槩可想見其詞
亦難為憑今於舊志所載仍列於傳其舊志所未

載者則惟以各省奏祀名宦者爲據猶之節婦烈女以曾邀旌表爲斷云爾雖記載寥寥似乎掛漏然於春秋謹嚴之旨亦庶幾乎不悖矣

漢軍鑲黃旗外任官

楊天祐

楊天祐漢軍鑲黃旗人順治三年任直隸大名府開州知州愛民重士政簡刑清時值山東大寇丁鳴吾率賊萬餘自朝城攻開州由北門越城入直至州署天祐率家人奮勇禦之殲鳴吾兄子復射

鳴吾中左脅賊潰鳴吾傷重道死大寇遂滅闔州咸獲生全州民感之崇祀各宦祠

董鳳舞

董鳳舞漢軍鑲黃旗人順治五年任上杭縣知縣時地方初定人戶流移田多荒蕪鳳舞招徠墾闢撫卹備至適援勦潮漳之兵道經上杭往來絡繹供需百出鳳舞拮据措置不病民而供億無誤尋以積勞卒於官人思其德祀本縣名宦祠

郎熙化

官人思其為師本為官

郎熙化漢軍鑲黃旗人順治十六年任高州府通

判執法不撓凡地方賦役陋規悉申請革除其驕

兵悍卒誣陷良民者即覈實按法民恃為長城云

後崇祀高州府學各宦祠

謹案舊志載郎熙化同旗張可立先世居福建福清縣

國初始入旗籍順治十二年乙未科成進士十七年任四川劍州知州時土寇初平學校廢弛百姓流亡轉徙未盡復業可立洩官一以重士安民為務州人德之亦崇祀各宦今通志之例凡已入旗籍

之人所生子孫乃入志其初由漢人入旗者雖孔有德決承疇之功亦不載入是以刪去不列其名謹附識於此

金雲鳳

金雲鳳漢軍鑲黃旗人康熙二年由筆帖式任荆

州府通判值定西將軍圖海等征茅麓山流寇軍

需浩繁西山險道輓運維艱家派一夫轉運多道

斃者雲鳳設法轉輸詳請永免戶夫之派民甚賴

之在任察吏安民弭盜剔奸凡為民害者密行諮

訪悉治以法加意學宮分題校課多士咸振興焉
九年陞浙江嚴州府同知累陞至霸昌道三十六
年卒崇祀荊州名宦祠

于宗堯

于宗堯漢軍鑲黃旗人康熙七年由廕生任常熟
縣知縣時漕政積弊糧俱民運輒至破家宗堯創
議詳定官收官兌民困得甦至今永賴其利其餘
美政尙多備載邑乘以積勞成疾十一年四月卒

於官邑人思其德留葬於虞山之麓十八年崇祀
名宦祠

趙良璧

趙良璧漢軍鑲黃旗人康熙八年由廕生任山西
徐溝縣知縣勤課農事見勤於田事者一一獎賞
間有怠惰者微懲之在任六載荒蕪盡闢勸宣

聖諭每月朔望令鄉耆約長以次宣讀有未明晰者必親
爲詳解務使人人通曉催科有法民皆踴躍輸將

編審丁差加減必核實學宮傾圮捐資改建城樓
場壞者重葺之挑濬城壕沿堤植柳千餘株城隍
廟火焚倡率士民重修徐溝久不發科彤家言宜
於城外異地築一文峯力未及舉於去任後寄銀
四百兩令建文昌高閣嗣是科甲有人士子尸祝
焉在任值天時亢旱聞太原縣晉祠鎮水母最靈
距徐溝四十餘里良璧露頂跣足徒步拜禱甘霖
立沛革除舖戶里民應承陋例詞訟不受錢不聽

請託察胥役尤嚴差票莫敢書索紳衿士庶賢者
獎之不肖者懲之先是徐溝黨棍竊盜日夜橫行
自良璧到任匪類潛踪募夫工食按季實發跽馬
草豆親自採買不私派里戶善政甚多累陞至浙
江布政使頗過於威稜然徐溝人德之崇祀名宦
祠

許宏勳

許宏勳漢軍鑲黃旗人康熙十三年任浙江紹興

府知府時逆藩耿精忠爲亂蹂躪浙東是年十二月宏勳同叅將滿進貴敗賊於嵎縣之長嶺桂門山嶺等處殺賊兵一千七百餘人生擒僞軍師邱爾章僞將軍馬玉等十四人賊兵三百六十六名招撫僞總兵馬瑞之等下部議敘累陞至雲南按察使二十七年楚省兵變震驚遠近滇南奸民造言煽惑七月二十日營卒張麻子要結黨羽將爲亂滇民貧而黠者多附之歃血誓盟期於是夜三

鼓舉兵劫掠適居民張喬得其謀赴署告急宏勳立遣人密捕謀首飛揚上官委員坐譙樓令止擊一二鼓時逆黨方聚衆飲酒聽鼓聲而發捕者猝至首從皆就縛及旦究出渠魁立即正法脇從悉寬宥不動聲色變弭禍息兵民安堵比卒人咸思之公舉崇祀名宦祠同旗有盧燦者康熙十二年任浙江龍游縣知縣亦以值耿逆反叛浙中賊盜竊發燦勦撫兼施恩威并著邑內賴之二十五年卒

於官士民亦祀之名宦祠

王之佐

王之佐號雙菴漢軍鑲黃旗人康熙十六年由監生任寧化縣知縣時耿逆初平海氛未靖徵求軍需日三四至之佐權宜變通得減其半二十年大勦海寇王師十萬駐漳州日餉千斛上游飛輓以次遞運寧化應派運夫五百名月一更代之佐念民疲役重力以免夫上請語特懇切督撫憐而許

之時有奉

欽差入閩閱查兵餉者頗作威福將入縣境之佐遠迎躬

爲導馬以縣署居之供具彌謹一宿卽護導出境

民間秋毫無擾會有黃機者乘甲寅三藩之變受

吳三桂偽劄脇其鄉黨從逆楊地一鄉不從遂圍

而屠之之佐請兵會勦時兵與海賊相持難以移

師之佐情詞懇切督撫許調三鎮兵會勦又值同

安告急檄調二鎮往援之佐力懇仍留三師言令

當以官爭去留不忍示弱以驕賊致民人糜爛聲
淚交迸督撫鑒其誠許之之佐遂部率鄉兵躬爲
嚮導蹙賊壘分攻之賊盡棄其衆越贛石入江西
投誠江西撫臣納之發符護賊還寧化使招集舊
部以成一旅之佐堅不奉檄昌言於大吏曰普天
王土非列國分疆之比閩賊卽江賊也若閩賊入
江卽當宥死江賊入浙又應偷生王法將誰加乎
如謂沅外省過以招不庭則自江納之卽自江用

之今名寄江籍而身返閩巢閩之文武何顏臨之
乎大吏聽其言遂搗其巢穴設防兵洞口絕其歸
路數十年逋誅獷族皆鳥獸散之佐戮力行間每
領兵數千旦夕巡行營壘聯客師爲指臂市井
肅若無人後以勞得寒疾卒軍民震悼罷市巷哭
者三日思之不忘崇祀本縣名宦祠

張聲遠

張聲遠漢軍鑲黃旗人康熙二十一年由監生在湖

廣臨武縣知縣在任作士愛民廢墜修舉縣學宮
燬於明季康熙初年始建規模未備聲遠加意振
興凡兩廡櫺星門及名宦鄉賢祠宇師儒齋舍次
第營構煥然維新均編徭役釐定里分丁糧均平
時大兵猶進勦滇黔不無雜派聲遠嚴飭胥役不
得擾累邑中大水屢肆多漂沒聲遠步行慰撫按
戶捐資助民營葺縣治南十里向有兩石神像居
民屠狗以祀供以銀花歲無虛日聲遠命左右碎

毀其像作礮狗石神一文開示愚民載在邑志民思
其德崇祀名宦祠

黃道行

黃道行漢軍鑲黃旗人康熙二十四年分守福建
延建邵道延郡水陸交衝舊有里役大爲民累道
行嚴行禁革郡中火親督員役撲滅之隨捐銀米
按戶撫卹又時詣學宮進諸生講文藝反覆辨難
優加禮異士風爲之一振士民感德祀之名宦祠

靳襄字天垣漢軍鑲黃旗人初任杭州府督糧通判剛方正直不畏強禦撫軍以駐防旗兵驕橫題陞爲理事同知旗軍多以債息折取民人子女襄悉爲捐俸贖回俾室家完聚浙闈人文日盛號舍不足多編蓆補湊辦修貢院因爲添設瓦號房千餘士子永賴焉其餘濟貧民掩遺骸禦火災施丹藥闔郡感德康熙二十八年陞南安府知府朔望

勤宣

聖諭教訓民人作興學校設義學捐俸延師孤寒之士皆得向學詳請增設科舉名數人文蔚起重修道源書院及陽明書院春秋致祭不懈在任緝盜安民革除火耗禁陋規免徭役歲旱步禱甘霖立沛捐俸築城垣修橫浦橋惠政甚多陞直隸天津鹽法道卒五十二年崇祀浙江杭州各宦祠

靳治揚

新治揚漢軍鑲黃旗人由筆帖式補用同知陞福建漳州府知府康熙三十四年調臺灣府知府抵任後蕩滌草寇招撫土番詳免崩陷田課尤雅意作人捐貲修學舍番童有未知禮義者立社學延師教之臺人崇祀名宦同旗有于有慶者康熙三十五年由官生任四川江油縣知縣在任數載除陋規薄耗美邑人頌之亦祀名宦祠

王光鼎

王光鼎漢軍鑲黃旗人任嚴州府知府嚴郡灘高水急津渡最險光鼎捐資所在多設渡船遂無風濤之患行人利之郡有狐妖害民民來愬光鼎禱於城隍狐遂絕跡康熙三十六年嚴州旱米騰貴光鼎昌盛暑躬行祈禱復捐資率其屬遠糴平糶所全活甚多既而旱甚不雨因自暴烈日中感疾不返署遂卒民皆奔哭易服持喪輟耕罷市者七日明年七月公請於大吏奉其主入府縣二學名

宦祠淳安遂安二學亦祀焉同旗有許國棠者康熙四十二年由筆帖式任四川綦江縣知縣撫字有方六載陞知冀州亦有政績入祀本州名宦祠

徐濬

徐濬漢軍鑲黃旗人任廣東萬州知州萬處瓊郡海田多新墾者民多爭競濬蒞任後首清地畝疆界以杜爭端減免差徭除革濫派優禮士子折獄明敏又捐修

文廟出穀賑濟饑民添設橋梁人無病涉清查保甲宵小潛踪弊革利興去任之後猶謳歌不忘康熙五十一年崇祀本州名宦祠

張綬遠

張綬遠漢軍鑲黃旗人直隸慶雲縣殉難知縣必科孫也任廣西思恩府知府嚴絕苞苴遇詞訟虛公聽斷民不稱寃歲荒捐俸賑濟地方疾疫施藥調治全活甚衆仕至陝西西寧道按察司副使崇

祀廣西名宦祠

以上十九人並舊志所載

漢軍正黃旗外任官

劉國寧

劉國寧字漢章漢軍正黃旗人順治七年由恩廕生任黃岡縣知縣年甫二十蒞任有神君之號徵收有法革除一切陋規邑為水陸衝衢長江上下兵艘差騎踵至國寧輒單騎親往送迎一無擾累邑多火災預設救火具臨時身先往救去任後士

民思其德崇祀本縣名宦祠

陳邦寄

陳邦寄漢軍正黃旗人順治八年以廕生授浙江石門縣知縣時邊圉未靖師旅往來邦寄善御卒伍道無譁兵有海寇鈎連嘯聚村落者邦寄謀勇過人隨在撲滅民得安枕復以政暇課農桑理文教居三載以誑誤去人咸惜焉為立祠於南郭外肖像祀之祠圯復改建於新橋之側又崇祀名宦

祠

趙民善

趙民善漢軍正黃旗人順治十年由貢士任山東膠州知州值土賊蹂躪之後潔已愛民加意撫綏時以查海產滋累民善濟之以寬早愆爲虐誠禱致雨在任八年鞅掌盡瘁甫報陞湖廣衡州府知府旋卒於膠膠民思慕不忘崇祀名宦祠又建專祠於城隍廟祀之

金維藩

金維藩漢軍正黃旗人順治十七年由廕生選授禮部筆帖式累遷至本部郎中康熙六年陞授浙江按察使在任潔已奉公愛民禮士尋告終養回京十七年起補廣東廣南韶道二十五年授廣西按察使三十四年正月卒後浙人思其德政五十二年公請崇祀名宦祠

吳毓珍

吳毓珍漢軍正黃旗人順治十二年乙未科進士
康熙十三年任武昌分守道陞湖廣按察使時逆
藩吳三桂反叛人心驚惶毓珍多方安輯出示撫
慰民心稍安俄蘄州兵變毓珍密訪報院擒獲渠
魁安定餘卒又大兵進攻岳州毓珍督輸糧草供
應無缺武昌奸棍多掠賣良家子女毓珍密訪嚴
拏匪類潛踪又民間向有苛派運夫之累毓珍嚴
飭各屬永行禁革捐俸修葺學宮敦崇文教楚人

愛戴二十一年丁憂回籍服闋補山東按察使卒
於官崇祀湖廣名宦祠

張所志

張所志漢軍正黃旗人由貢士累官監察御史順
治十七年巡察四川伸冤理枉吏畏民懷康熙十
二年出爲山西糧驛道廉介自持經管糧務禁絕
陋規署布政司印務嚴革火耗飭各戶自封投櫃
勒石署前又禁差役擅騎驛馬及驛遞草料私派

里民驛馬創斃派民買補之弊夫馬工料按時給發無扣剋短少厥夫站馬足額捐俸設立義學令貧民子弟肄業季考月課甄別文藝監鄉試文武兩場捐俸加給飯食每冬春發米煮粥以賑饑民掩暴骸施醫藥歲早齋戒誠禱獲甘霖三日十九年陞福建按察使平反冤抑訟獄衰息尋署理巡撫事值海寇猖獗修理戰艦督運糧餉會同將軍提鎮等進剿寇息民安二十一年陞江西布政使

留心政教凡有關民社者無不舉行提調鄉試文武兩闈禁止派辦時三藩之亂初定會計月餉酌盈劑虛軍儲充裕而民不擾四川山西福建江西并崇祀名宦祠

夏瑋

夏瑋漢軍正黃旗人康熙九年由廕生任江南和州知州清白自矢實心任事均賦役省詞訟剔除弊蠹歲饑捐資賑粥所全活甚多又修學宮輯志

書文風日盛十九年陞任淮安府同知和州士民思其德崇祀名宦祠

袁一相

袁一相漢軍正黃旗人初在外吏累遷至浙江左布政使司布政使浙江州縣書吏與藩司書吏勾通解多投少摺批不卽發事覺則州縣官并受其累一相立循環簿每遇錢糧徵解連前數彙書於批寓目瞭然上下侵蝕之弊遂除南米歲入廣豐

倉倉少不足貯則露積覆以蓑多紅朽一相捐俸建倉六十餘所屬吏請紀其事於石一相曰此藩司職耳不足錄也在任凡所區畫悉可經久以疾暴卒人咸惜之事載浙江通志康熙十四年三月崇祀名宦祠

李國維

李國維漢軍正黃旗人康熙十二年由舉人知河南鞏縣賑濟緝暴勤幹廉明十三年官兵進勦逆

金定八加通志 卷三十三
藩吳三桂鞏當孔道拮据供應井井有法民皆安
堵二十年陞雲南新樂州知州鞏人思其德崇祀
本縣名宦祠同旗有張國用者世居遼東廣寧順
治五年貢士康熙十四年任河南浙川縣知縣循
良正直勤於撫字亦會逆藩吳三桂之亂供應軍
需不累百姓去任後士民感頌崇祀名宦祠

王進取

王進取字簡修漢軍正黃旗人康熙十六年任尤

溪縣知縣時耿逆初平瘡痍未起進取加意民瘼
不事苛急嘗重建黌宮捐公廨地以廣學舍俾諸
生肄業其中文教一新士民德之崇祀名宦祠

王育賢

王育賢漢軍正黃旗人康熙十七年任福建興泉
道六月海寇圍泉州育賢治戰守具躬撻畚鍤築
垣與士卒登陴守禦不解甲者四十餘日會援師
至圍乃解自臨閭巷撫慰民人以勞卒於官宦囊

蕭然百姓醵錢爲治棺殮携牲醴以祭者數千人
比喪還京哭送三十餘里設木主於崇陽樓祀之

何錫爵

何錫爵號澹園漢軍正黃旗人初隨父天祐判荆
州府兩攝縣事多所勸助父卒於官有應取七百
餘金郡守命吏致之錫爵却之曰先父居官廉直
吾不敢負且新令遠來貧乏恐累百姓故留爲若
助耳郡守歎服康熙十八年由監生選陝西寶雞

縣知縣是時

王師駐扎城外差務殷繁錫爵年甫弱冠內撫百姓
外應軍需兵民相安著有聲績旋丁母憂離任服
闋補雲南定邊縣知縣攝定遠事催科不擾摘奸
如神吏畏民服稱爲包何二十九年推陞河南鄭
州知州鄭當孔道素稱難治錫爵下車後杜苞苴
雪沉獄除苛政興立學校循行阡陌在任五載時
和年豐有蝗不入境之異士民感悅爲立生祠於

子產祠之南顏其額曰遺愛同流撫臣廉得其實
卓異為河南第一陞南陽府同知尋護府篆先是
秦省饑民有來就食者幾千人屬官以疫癘為憂
錫爵諭之曰秦豫莫非王土子民不可岐視因分
部安輯首倡捐賑逾年始為資送回籍全活甚眾
三十九年陝西平涼府知府缺出

廷舉賢吏錫爵名在首列即奉

諭旨擢用既抵任見兵燹之後一望荒蕪民不堪命慨然

捐給老弱粟布加意撫綏至今猶家祝焉後丁生
母憂起補雲南順寧府知府未及抵任而卒比櫬
旋都道經鄭州士民携牲醴迎祭者不絕於路哭
聲振林谷扶送五十餘里復請崇祀本州名宦祠

馬世英

馬世英漢軍正黃旗人康熙二十二年由廕生在
河南睢州知州勤於吏治士悅民安二十四年霪
雨六十餘日平地水深數尺浸漫入城老幼悲號

世英親募夫曩土計土給值晝夜拮据壅塞城墉
廬舍俱得保全州民爲勒石以誌功德尋內陞本
旗佐領離任之日士民相送者不絕於途崇祀名
宦祠

李興祖

李興祖漢軍正黃旗人副都統宜哈納之子湖廣
總督輝祖之弟也由廕生補翰林院筆帖式改督
捕侍郎衙門筆帖式又改都察院筆帖式外轉直

隸河間府慶雲縣知縣康熙二十四年陞山東兗
州府捕盜同知時初設捕盜衙門駐劄郟城縣郟
城界山東江南兩省扼要之地東近磨山西鄰黑
陡澗南迤羽山北倚蒼山皆羣盜窩巢

國初羽山土寇李二和尚尤爲渠魁肆行擄掠沂城
郟城官兵往捕輒匿海濱及沿海捕緝又奔沂郟
所出沒之處距四屬俱百里而遙康熙十八九年
間四州縣彙詳通報始發漕標大兵圍剿於黑陡

澗李二和尚身死所遺餘孽日久尙未盡殄曉散
夜聚擾害地方至是興祖蒞任卽布令曉諭居民
有能擒一賊及指賊所居者有賞其所獲賊果能
自新卽令招撫免罪不一年間餘黨盡除三年內
多方巡察防範甚嚴凡遇竊盜搶奪拐逃等情隨
到隨審恩威並濟兩省所屬人民悉遵化導姦宄
衰息復捐俸修葺學宮朔望躬宣

聖諭諄切教訓禮讓之風日起署沂州印務一載清廉惠

愛咸頌仁明俸滿陞直隸河間府知府累陞江西
布政使順天府丞卒兗州人思其德崇祀名宦祠

王育良

王育良漢軍正黃旗人康熙二十九年由例監生
授山東東阿縣知縣在任善政有三一曰改單頭
徵糧時設立滾單之法一社共若干村一村共若
干戶輪流滾催不事敲扑追呼民皆依限完納一
曰淺開夫往時夫役工食不足簽派里民育良詳

請河撫兩院不論紳士百姓照地徵錢官覓夫役
附近州縣俱照此例行焉一日飛車凡往來差使
裝載行李多派民出車應辦稍遲卽加譴責胥吏
緣是乾沒爲奸育良自修官車用驛遞夫馬民無
所擾此三事迄今遵爲定例邑人德之崇祀各宦

祠

王維翰

王維翰漢軍正黃旗人康熙三十一年由監生陞

任江西臨川縣知縣政簡刑清催科有法課試生
童必公必明聽斷訟獄不徇情面屏絕饋遺加意
愛民四十五年陞河南睢州知州政聲視臨川益
著值州有水災施衣施粥復捐穀賑濟貧民不使
流離失所五十五年丁憂離任睢民感頌爲建生
祠於州東至今里老猶稱道不置

馬雲從

馬雲從漢軍正黃旗人康熙三十四年任四川達

州知州已卯秋澇民食維艱雲從多方告糴境內
賴以全活邑民至今感頌崇祀本州名宦祠

李清鑑

李清鑑漢軍正黃旗人康熙三十六年由官監生
知山西太平縣蒞任六年每逢朔望敬宣

聖諭暇則履畝勸農大修學宮創建兩廡設義學教士敦

詩禮裁革火耗勸民輸將聯保甲修城垣盜賊潛

踪士民思其德五十六年崇祀名宦祠

王敏政

王敏政字九經漢軍正黃旗人由監察御史外轉
分巡福建興泉道按察司副使康熙四十三年改
蒞臺灣仁厚不苛尤加惠番民凡通事社商之賸
削及番車之濫派者咸革除之番民感悅秩滿陞
任廣東雷瓊道布政司叅政尋病卒閩人思其德
建專祠祀之并祀名宦祠

王授位

王授位漢軍正黃旗人康熙四十三年由監生任
龍門縣知縣甫到任見學傾頽捐俸創建設立義
學延師教士縣被大水多方賑卹淹塌房屋者給
穀淹死者給棺災民賴以安全防禦盜賊嚴飭鄉
丁隄防隘口催科撫字革除陋例息訟寧民善績
甚多後陞福建邵武府同知五十九年崇祀龍門

縣名宦祠

周元文

周元文字洛書漢軍正黃旗人康熙四十六年由
福建延平府知府調補臺灣府居官廉正好胥猾
吏畏若神明置義學田以贍寒士按月課試悉心
鼓舞歲荒詳請題免租課十之三定斗斛革火耗
一切措置悉本實心臺灣民至今猶思其德崇祀
本府名宦祠

吳存義

吳存義漢軍正黃旗人任高州府糧捕通判

案存義授

官年月舊志未載天性篤孝蒞任五載冰清自持日用器

物及修葺衙宇悉皆自辦不損民間絲毫巡察有

方崔苻遁跡革火耗減差徭政簡刑清愛民禮士

署事各州縣所至皆著循績歿後士民痛悼如失

怙恃康熙五十五年崇祀高州府名宦祠

張宏猷

張宏猷漢軍正黃旗人

國初任長沙府知府時軍務旁午一切簿書手自裁

決不假他人御下以嚴治民以惠尤加意學校待

士以禮有貧乏者歲時調之後擢廣西副使道崇

祀長沙名宦同旗有李錦者任江南寧國縣知縣

清操介節保障巖邑士民懷之亦祀本縣各宦祠

趙金章

趙金章漢軍正黃旗人由監生任廣西昭平縣知

縣甫下車即重建學宮設義學訓迪士子捐資備

牛種開墾荒田民安耕鑿又設義塚掩埋露骨邑

欽定八旗通志卷二百三十六
民頌焉後祀本縣名宦祠
以上二十六人
並舊志所載

欽定八旗通志卷二百三十六

欽定八旗通志卷二百二十七

人物志一百十七

循吏傳二
漢軍正白旗
漢軍正紅旗

漢軍正白旗外任官

閔三元

閔三元漢軍正白旗人世居奉天錦州府順治初

始居

京師五年以貢士選授河南鹿邑縣知縣為人廉明

